

## همس الحب..

عدي يا همس الحب..  
ع الورد في البساتين  
خلي الورد تعود  
تشوفها عيون عاشقين  
صحي في القلوب نبضها  
خليهم مخلصين  
علمهم لغة الحياه  
تجمعها الحياه  
في حرفين..  
واللى دايبين في اللغة  
للحروف حافظين  
الحروف دائما متشبهه

في حزن الايدين  
بتخلي الاحساس اما يسافر  
يلاقي وطن حنين  
خليك يا همس صابر  
وعرفهم الحقيقه فين  
اللي مايصون النعمه كافر  
والحب ده نعمتين  
نعمه حنان دافيه  
فارشه الامان حوالياك  
ونعمه تلون ملامحك  
ب أحلى ما فيك  
واللي خدع ومكر وهجر  
واللي بالنعمه كفر  
لاتلومه.... ولا تعاتبوا

ولا تعدي عليه  
ما حدش يعاتب صنم  
ملتزم باحساسه  
ده حتى الورد لو باسوه  
هتتنكر لعبيره .. انفاسه  
واللي مدمن لسع الشوك  
مش هتلاقى ايديه ناعمين

